



**GRIJANJE**

Javno preduzeće "Grijanje" d.o.o. Zenica, Bilmišće br.107, 72 000 Zenica  
telefon +387 32 423 097, fax +387 32 423 099  
www.grijanjezenica.ba

Na osnovu člana 69. stav (2) tačka d) i člana 70. stav 1) i 4) Zakona o javnim nabavkama („Službeni glasnik BiH“ br. 39/14), člana 37. Statuta Javnog preduzeća „Grijanje“ d.o.o. Zenica, Uprava Javnog preduzeća „Grijanje“ d.o.o. Zenica, donosi

## **ODLUKU** **o poništenju postupka javne nabavke**

Poništava se postupak javne nabavke roba-Radijatorski ventili, termometri, manometri i sitni materijal, po konkurentskom zahtjevu za dostavu ponuda, obavještenje o nabavci broj: 1091-7-1-473-3-34/21 od 02.09.2021. godine.

Ova odluka stupa na snagu danom donošenja i objavit će se na web stranici Javnog preduzeća "Grijanje" d.o.o. Zenica.

### **Obrazloženje**

Dana 02.09.2021.godine, Javno preduzeće "Grijanje" d.o.o. Zenica objavilo je na portalu javnih nabavki, obavještenje o nabavci roba – Radijatorski ventili, termometri, manometri i sitni materijal putem konkurentskog zahtjeva za dostavu ponuda broj: 1091-7-1-473-3-34/21. Procijenjena vrijednost nabavke je do 49.999,99 KM. Rok za prijem ponuda je bio 21.09.2021. godine do 10:30 sati.

Dana 21.09.2021. godine u 11:00 sati, Komisija za nabavke izvršila je otvaranje blagovremeno dostavljenih ponuda, te konstatovala da je blagovremeno dostavljeno 6 (šest) ponuda ponuđača, kako slijedi: 1. „TOPLOTA“ d.o.o. Zenica, sa ponuđenom cijenom od 50.000,00 KM bez PDV-a, 2. „COSPEX“ d.o.o. Zenica, sa ponuđenom cijenom od 49.580,00 KM bez PDV-a, 3. „ALMY“ d.o.o., Zenica sa ponuđenom cijenom od 49.995,00 KM bez PDV-a, 4. „GRUNT INVEST“ d.o.o. Zenica, sa ponuđenom cijenom od 49.475,60 KM bez PDV-a, 5. „SENIGOR“ d.o.o. Ilidža-Sarajevo, sa ponuđenom cijenom od 43.189,55 KM bez PDV-a (nakon ispravke računске greške) i „INTER-COM“ d.o.o. Zenica, sa ponuđenom cijenom od 49.492,90 KM bez PDV-a.

Komisija za nabavke je razmotrila dostavljene ponude, te utvrdila slijedeće :

1. Ponuda ponuđača „**Toplota**“ d.o.o. Zenica je **neprihvatljiva** iz slijedećih razloga:
  - U Obrascu za cijenu ponude (Prilog II) nije popunjena kolona 3. „Naziv proizvođača“,
  - Za stavke 3. i 4. Obrasca za cijenu ponude (Prilog II) ponudio je **povratni ventil bez prednamještanja (ravni i kutni)** proizvođača „HERZ“ tip RL-1, a tačkom 3.1. tenderske dokumentacije i Obrascem za cijenu ponude (Prilog II) za navedene stavke je tražen **radijatorski navijak (ravni i kutni) sa prednamještanjem**.
2. Ponuda ponuđača „**Cospex**“ d.o.o. Zenica je **neprihvatljiva** iz slijedećeg razloga :
  - Za stavke 3. i 4. Obrasca za cijenu ponude (Prilog II) ponudio je **povratni ventil bez prednamještanja (ravni i kutni)** proizvođača „HERZ“ tip RL-1, a tačkom 3.1. tenderske dokumentacije i Obrascem za cijenu ponude (Prilog II) za navedene stavke je tražen **radijatorski navijak (ravni i kutni) sa prednamještanjem**.
3. Ponuda ponuđača „**Almy**“ d.o.o. Zenica je **neprihvatljiva** iz slijedećih razloga :
  - U Obrascu za cijenu ponude (Prilog II) u koloni 3. na ukupno 13 stavki upisana je zemlja porijekla (Kina, Poljska), a trebalo je upisati naziv proizvođača,

- U Nacrtu Okvirnog sporazuma u članu 2. Nije upisan datum ponude i ukupna vrijednost ponude brojevima i slovima, a u Nacrtu Ugovora u članu 1. i 2. nije upisan datum ponude, što nije u skladu sa tačkom 6.1. tenderske dokumentacije,
  - Za stavke 3. i 4. Obrasca za cijenu ponude (Prilog II) ponudio je **povratni ventil bez prednamještanja (ravni i kutni)** proizvođača „HERZ“ tip RL-1, a tačkom 3.1. tenderske dokumentacije i Obrascem za cijenu ponude (Prilog II) za navedene stavke je tražen **radijatorski navijak (ravni i kutni) sa prednamještanjem**.
4. Ponuda ponuđača „**Grunt Invest**“ d.o.o. Zenica je **neprihvatljiva** iz slijedećih razloga :
- U Obrascu za ponudu (Prilog I) na dva mjesta nije upisan ispravan broj Obavještenja o nabavci,
  - U Obrascu za ponudu (Prilog I) pod tačkom 5. navedeno je da ponuda važi 60 dana, a tačkom 6.11. tenderske dokumentacije je određeno da rok važenja ponude iznosi 90 dana računajući od isteka roka za dostavu ponuda,
  - U Izjavi o ispunjenosti uslova iz člana 45. stav(1) tačka od a) do d) (Prilog IV) nije upisan broj Obavještenja o nabavci,
  - U Izjavi iz člana 52. Zakona o javnim nabavkama (Prilog V) nije upisan broj Obavještenja o nabavci.
5. Ponuda ponuđača „**Senigor**“ d.o.o. Sarajevo je **neprihvatljiva** iz slijedećeg razloga :
- Za stavke 3. i 4. Obrasca za cijenu ponude (Prilog II) ponudio je **povratni ventil bez prednamještanja (ravni i kutni)** proizvođača „HERZ“ tip RL-1, a tačkom 3.1. tenderske dokumentacije i Obrascem za cijenu ponude (Prilog II) za navedene stavke je tražen **radijatorski navijak (ravni i kutni) sa prednamještanjem**.
6. Ponuda ponuđača „**Inter-com**“ d.o.o. Zenica je **neprihvatljiva** iz slijedećih razloga :
- U Obrascu za ponudu (Prilog I) na dva mjesta nije upisan ispravan broj nabavke,
  - Za stavke 3. i 4. Obrasca za cijenu ponude (Prilog II) ponudio je povratni ventil **sa prednamještanjem (ravni i kutni)** proizvođača „HERZ“ tip RL-1, ali je na osnovu odgovora proizvođača „HERZ“ od 05.10.2021.godine utvrđeno da je „HERZ“ podventil u svim verzijama (ravni, kutni i različitim prečnicima), **podventil bez prednamještanja**.


Članom 69. stav 2. tačka d) Zakona o javnim nabavkama (Službeni glasnik BiH broj: 39/14) propisano je: "Ugovorni organ obavezan je poništiti postupak javne nabavke u slučaju da: d) nijedna od primljenih ponuda nije prihvatljiva".

Shodno naprijed navedenom, donesena je odluka kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu, najkasnije u roku od 5 (pet) dana od dana prijema ove odluke.

Broj: 12991 /21  
Zenica, 07.10.2021. godine



Direktor Ud  
  
Vahdet Drino

**DOSTAVITI**

- 1x Ponuđači - putem mail adrese
- 1x web stranica ugovornog organa
- 1x Arhiva nabavke